

DOA MAJLIS KONVOKESYEN POLITEKNIK BALIK PULAU KALI KE 6
HARI ISNIN 05 SEPT 2016 M BERSAMAAN 03 ZULHIJAH 1437 H

الحمد لله رب العالمين حمدا يوافي نعمه ويكافى مزيده يا ربنا لك الحمد كما ينبغي لجلال وجهك وعظيم سلطانك اللهم صل وسلم على سيدنا محمد صلاة تتجينا بها من جميع الاحوال والافات وتقضى لنا بها من جميع الحاجات وتطهرنا بها من جميع السيئات وترفعنا بها عندك اعلى الدرجات وتبلغنا بها اقصى الغايات من جميع الخيرات فى الحياة وبعد الممات وعلى اله وصحبه وسلم تسليما كثيرا برحمتك يا ارحم الراحمين

اللهم اشرح بالقران عظيم صدورنا ويسر به امورنا وعظم به اجورنا وحسن به اخلاقنا ووسع به ارزاقنا ونور به قلوبنا يا ارحم الراحمين

Segala Puji hanya untukMu Ya Allah, solawat dan salam ke atas junjungan besar Nabi Muhammad saw begitu juga kepada sekalian keluarga, sahabat dan seluruh kaum Muslimin dan Muslimat.

يا الله يا رحمن يا رحيم

Engkaulah yang memiliki kuasa pemerintahan dan Engkaulah yang memuliakan sesiapa yang Engkau Kehendaki. Kami bersyukur kehadiranMu Ya Allah di atas limpah kurniaMu kami dapat berhimpun pada pagi yang mulia ini di Majlis Konvokesyen kali ke 6 yang akan disempurnakan oleh Datuk Hj Mohlis bin Jaafar Ketua Pengarah Jabatan Pendidikan Politeknik Malaysia.

Ya Allah, RahmatMu kami pohonkan, kasih sayangMu kami harapkan dan jadikanlah hidup kami di dunia ini mendapat keberkatan dan di akhirat kelak mendapat keredaanMu.

Di pagi yang penuh mulia ini, kami menadah tangan dengan rasa penuh pengharapan dan tawadhuk memohon restu dariMu, agar majlis kami ini diberkati dan dirahmati olehMu. Begitu juga ilmu yang dipelajari selama ini dapat dijadikan manfaat buat kami. Ya Allah Ya Tuhan kami jadikanlah pertuturan, penglihatan dan pendengaran kami ini disenangi ,direstui dan dirahmati. Begitu juga jadikanlah amalan, pengorbanan dan jasa kami dirahmati di syukuri dan dingati.

يا الله يا شكور

Kami mohon padaMu agar seluruh pelajar kami ini sentiasa diberi petunjuk dan hidayah dariMu dalam melaksanakan tugas dan tanggungjawab yang telah diamanahkan. Bukakanlah pintu hati

mereka untuk menjadi insan yang cemerlang, sentiasa sanggup menghadapi rintangan dan cabaran dalam menjana dan memartabatkan agama, bangsa dan negara Malaysia yang tercinta.

Ya Allah, kekalkanlah kesejahteraan dan kestabilan negara kami ini, untuk generasi hari ini dan yang akan datang. Kurniakanlah kepada kami dan pelajar kami ini keseluruhannya kekuatan, keberanian dan kesabaran yang unggul dalam menjana dan memartabatkan politeknik ini agar menjadi sebuah institusi pengajian tinggi yang cemerlang, gemilang dan terbilang.

يا الله يا رشيد

Jadikanlah pelajar kami ini, pelajar yang cemerlang yang boleh dicontohi dan disegani. Eratkanlah kasih sayang di kalangan kami. Limpahkanlah petunjuk untuk kami untuk terus melaksanakan segala tanggungjawab dengan sempurna demi kesejahteraan masyarakat dan negara ini.

Ya Allah, Engkau tambahkanlah lagi kejujuran dan keikhlasan kepada kami semua, Engkau berkatilah Majlis kami ini dan Engkau tambahkanlah keazaman dalam diri kami untuk terus berusaha dan berjaya seterusnya berjasa kepada agama, bangsa dan negara.

Berkat keagunganMu dan sifat RahimMu Ya Allah, kami memohon agar peliharalah negara kami daripada malapetaka dan mara bahaya dan sifat buruk manusia. Jauhilah kami dari segala keburukan yang akan menimpa samada berupa peringatan mahupun ujian yang tidak dapat diduga. Jika ia berupa ujian, maka kurniakanlah kepada kami ketabahan dan kesabaran. Jika ia berupa peringatan maka ampunilah kami.

يا مالك السموات والارض

Ya Allah Ya Tuhan kami, kami pohon limpah rahmatMu, taufik dan hidayahMu agar pemimpin negeri dan negara kami mendapat petunjuk daripadaMu. Begitu juga mantapkan semangat, iltizam dan keazaman kami dalam memikul tanggungjawab ke arah membina dan membangunkan bangsa yang berdarjat bagi membina tamadun yang bermartabat.

Ya Allah Ya Tuhan Kami jadikanlah perhimpunan kami pada hari ini perhimpunan yang dirahmati dan jadikanlah juga perpisahan kami selepas ini perpisahan yang Engkau peliharai.

اللهم اجعل جمعنا هذا جمعا مرحوما وتفرقتنا من بعده تفرقا معصوما ولا تجعل فينا
ولا معنا شقيا ولا محروما برحمتك يا ارحم الراحمين

ربنا ءاتنا من لدنك رحمة وهي ء لنا من امرنا رشدا ربنا ءاتنا فى الدنيا حسنة وفى
الآخرة حسنة وقنا عذاب النار وصلى الله على سيدنا محمد وعلى ءاله وصحبه وسلم
والحمد لله رب العالمين